

Blachi di instruccion 3 Haci limpi

Ta pertenece na actividad 5.5



Bo yiu ta siña:

- dicon ta importante pa e espacio caminda ta traha/drumi/hunga ta limpi;
- con e por haci limpi y kico e tin mester.

Bo tin mester lo siguiente:

- Articulan di limpieza.
- Sticker chikito.

Kico bo ta haci cu bo yiu:

STAP 1. COMBERSACION TOCANTE LIMPIEZA.

Tene un combersacion cu bo yiu tocante limpieza di e cas.

- *Ken ta haci cas limpi?*
- *Ki ora of con hopi?*
- *Con abo ta haci limpi?*
- *Kico bo tin mester pa esey?*

STAP 2. WEGA DI ADIVINANZA

Laga bo yiu wak e articulan cu bo ta uza pa haci cas limpi.

Pensa riba: basora, stofzuiger, paña pa haci limpi, spons pa frega, mop, etcetera.

Puntra cada bes:

- *Con ta yama esaki?*
- *Con bo mester uz'e?*

Laga bo yiu muestra con mester uza e obheto.

STAP 3. OPRUIMEN

Controla e camber di bo yiu hunto cu ne.

Splica bo yiu cu prome e bay haci su camber limpi e mester ruim op tur cos.

Ruim op e camber hunto cu bo yiu.

STAP 4. HACI LIMPI

Laga bo yiu pasa e stofzuiger of basora y depues e mop si ta necesaro.

Haci tur cos limpi cu un paña muha.

Por pone musica agradabel ora ta haci limpi.